

Aerolinea Britanico ta stop di bula pa Aruba

Mediante un comunicado di prensa e siman aki, Aeropuerto Reina Beatrix a informa cu e aerolinea Britanico cu tabata operando na Aruba, ta stop su servicionan. E ultimo vuelo ta bay ta diadomingo

proximo, 30 di maart.

E aerolinea "a tuma e decision dificil pa descontinua su servicionan pa Aruba," aeropuerto a indica. "Aruba a haci tur loke tabata posible pa sostene e operacionnan" di e



aerolinea. Segun aeropuerto, a pesar cu tin "interes evidente" na Inglatera, e ta keda dificil pa converti e interes ey den reservacionnan continuo.

"Aruba ta keda comprometi

pa explora e oportunidadnan den futuro den e mercado Europeo y di Inglatera, y lo sigui traha riba otro destinacionnan for di e mercadonan Europeo como tambe di Latino America, e comunicado a finalisa expresando.

Plan di Mayor ta amplia su apoyo pa famia y fortalece colaboracion cu Gerecht

Plan di Mayor, e iniciativa na Aruba pa duna sosten pa mucha y famianan cu ta pasa den un separacion of divorcio, ta sigui crece su impacto via programanan den scol, colaboracion cu institucion legal, y un yamada pa mayornan pa participa.

Programa KIES a finalisa cu exito na Colegio San Antonio Plan di Mayor a completa un serie di sesion exitoso di programa KIES na Colegio San

Antonio. E programa ta yuda mucha pa expresa nan sentimentonan den un ambiente sigur y comprensivo mientras nan ta pasa cambio den e situacion familiar. E resultado ta uno hopi positivo pa henter e scol, y alumnonan mes.

Scol Practico pa Ofishi Brazil Despues di e exito na Colegio San Antonio, Plan di Mayor ta preparando pa implementa



e programa KIES na SPO, pa mas mucha por haya apoyo emocional durante cambio familiar importante.

Encuentro productivo cu Gerecht di Prome Instancia (GEA)

Dia 13 di maart, Plan di Mayor a tene un reunion cu hues y personal di Gerecht in Eerste Aanleg, pa busca mas

colaboracion den casonan cu tin parti legal y emocional.

Resultado importante:

Miho comunicacion entre Plan di Mayor y Gerecht den casonan cu ta activo den tur dos sistema.

Mas enfoka riba manera pa inclui opinion di e mucha den e plan di crianza (ouderschapsplan).

Preocupacion comparti riba

calidad di plan di crianza y su impacto real.

Posibilidad pa tene reunion futuro ku profesional legalnan, incluso e Deken di Abogadonan.

E paso aki ta pone e fundamento pa un manera mas integral pa yuda famianan den tur aspecto – legal, emocional y di desaroyo di e mucha.

Yamada pa mayornan: Bo no ta bo so

Plan di Mayor ta invita tur mayornan separa of divorcia pa registra y explora e posibilidadnan di apoyo pa nan mes y pa nan yiu. Bo por haya guia pa move pa dilanti manera famia.



EXECUTORIALE VERKOOP

Ten overstaan van notaris mr. Chamila Agnella Tromp of haar waarnemer zal op **vrijdag 11 april 2025 om 10:00 uur 's-morgens in het Auditorium van de Kamer van Koophandel te Aruba** aan de J.E. Irausquin Boulevard 10, Oranjestad, Aruba, in één zitting bij opbod en afslag in het openbaar worden verkocht, ex artikel 502 en verder van het Wetboek van Burgerlijke Rechtsvordering van Aruba:

1. een leeg perceel eigendomsgrong plaatselijk bekend als

SEROE JANCHI z/n

een perceel eigendomsgrond groot 895 m², gelegen te Seroe Janchi in Aruba, kadastraal bekend als Eerste Afdeling Sectie L nummer 4292.

Inzetprijs: Afl. 322.000,00

2. een leeg perceel eigendomsgrong plaatselijk bekend als

TARABANA z/n

een perceel eigendomsgrond van 702 m² gelegen te Tarabana in Aruba, kadastraal bekend als **Eerste Afdeling, Sectie P, nummer 3359, indexnummer D 1537**

Inzetprijs: Afl. 224.000,--

Op deze registergoederen kan geen onderhands bod worden uitgebracht.

Iedereieder is gehouden, zowel bij het uitbrengen van een onderhands bod als op de veiling zelf, zich te legitimeren met een geldig paspoort of ID en middels een bereidheidsverklaring, een bankgarantie of andere vorm van zekerheid aan te tonen aan de Executant in staat te zijn tot nakoming van zijn bod en de bijkomende kosten.

De Executant behoudt zich het recht voor de executieveiling uit te stellen dan wel op te houden zonder daarvoor de reden te noemen.

Op de veiling zijn van toepassing de Algemene Veilingvoorwaarden voor Executieveilingen (AVVE) en de Bijzondere Veilingvoorwaarden zoals vastgesteld door notaris mr. Chamila Agnella Tromp.

Voor vragen of meer informatie kunt u een email sturen naar auction@newleafaruba.com of de volgende website bezoeken:

www.newleafaruba.com

Ultimo conferencia di prensa di Gabinete Wever-Croes II



Diamars mainta, prome minister demisionario, Evelyn Wever-Croes a tene su ultimo conferencia di prensa pa Gabinete Wever-Croes II. Durante su presentacion, Wever-Croes a elabora riba e desaroyo economico, desaroyo di inflacion, desaroyo di deficit financiero pa un surplus, gastonan di personal, y riba e debe nacional di pais Aruba.

Desaroyo Economico Wever-Croes a splica cu di 2017 pa 2024 Aruba a conoce un desaroyo economico impresionante. Na aña 2020 debi na e pandemia 25% di e economia a desaparece, pero danki na e bon trabou di Gabinete Wever-Croes, Aruba a recupera fuertemente y awe por conta cu un GDP mas halto cu prome cu e pandemia.

Inflacion E desaroyo di inflacion tabata un reto mundial ya cu Aruba tambe a sinti e efecto di inflacion despues di e pandemia sigui pa e guerra na Ucrania cu tambe a contribui na e subida

aki. Wever-Croes a indica si, cu e inflacion na Aruba aunke halto ta mas abou cu otro partinan na mundo manera Merca y Hulanda. Tambe por mira cu actualmente e inflacion ta yegando na un nivel relativamente abou y ta stabilizando.

Desaroyo di deficit financiero pa un surplus Wever-Croes a indica cu na aña 2017 cu Gabinete Wever-Croes a drenta gobernacion a haya un deficit financiero devastador. Danki na e esfuerso grandi di Gabinete Wever-Croes, a logra na yega na un surplus chikito net prome cu e pandemia. Despues di e pandemia, Gobierno a logra manga y traha duro cerando 2024 cu un surplus di 4% cu lo sirbi na yuda pa e Gobierno nobo por sigui duna back na comunidad.

Gastonan di personal Desde cu Gabinete Wever-Croes a drenta gobernacion na aña 2017 constantemente a baha e gastonan di personal. E gastonan aki a sigui baha te na 2024 na unda cu Gobierno a duna empleadonan publico un indexering. E subida aki no tin di haber cu e cantidad di personal sino e subida den e suma cu cada persona ta haya. Mester bisa si cu esaki tabata posibel paso e gastonan ta den e margen di 6% compara cu e 10% stipula pa ley.

Debe nacional di pais Aruba Wever-Croes a indica cu

despues di a logra baha e debe di pais Aruba, esaki a conoce un subida back na 2020 y 2021 debi na e pandemia. Debi na esaki, Gobierno a lora manga, traha duro logrando asina baha e debe aki tanto nominal (suma total) y den porcentahe, cerando asina 2024, segun e ultimo rapport cu a bay pa CAft, na un porcentahe di 74% treciendo Aruba na un nivel mas "safe" pa por mancha finanzas, haya miho inversion, y haya miho interes riba fianza. E palabracion ta cu na 2031 esaki mester yega na 70% pero e porcentahe aki, Gobierno ya ta yegando na 2025.

"Mi ta mira back cu hopi orguyo na 7 aña y mei di trabounan duro. Gobierno a hay'e confronta cu varios crisis, manera e crisis financiero na comienso di gobernacion, e debe cu a wordo redobla pa Gabinete Eman y e crisis social cu a explota debi cu Gabinete Eman no kier a duna atencion na e veld aki. Contrario di Gabinete Eman, Gabinete Wever-Croes si a dedica hopi tempo y esfuerso den e area social treciendo esnan den e veld aki hunto y purba na animanan back pa asina duna mas di nan mes. Nos no por a soluciona tur e problemanan financiero y e problemanan den e veld social, pero nos a empodera tur nos profesionalnan si pa por sigui atende cu esakinan debidamente" Wever-Croes a expresa.